

吳書山先生遺集

吳書山先生遺集卷八至卷十五

獨足雅言原本

十四世孫廷相同男嘉猷編輯
臨川後學張書紳校閱

五言排律卷之八計十一首

別駕馬合未公歸省親豫章以臨川八景賦初唐
六韻律詩爲贈

莖出春城迴江依水郭斜翠波吹蔥草紅浪漲桃花酒
重遊仙艇香漂浣女紗星橋橫度鵲霧樹暗藏鴉別地
爭攢柳歸期不待瓜恩流牽墮淚同赴白雲涯

峴臺春水

吳書山先生遺集

卷之八

五言初集

十一

佳氣生危石，輕陰蓋峻峯。
天邊微有影，風處邈無蹤。
出沒龍慈駕，歸藏杳靄鐘。
未霜橫斷鴈，欲雨鬱從龍。
梯步曾攀桂，巢居亦倚松。
孤飛親舍處，高望白溶溶。

靈谷秋雲

汗漫依城濶，嬋娟映水深。
乍分荷浦色，故作柳堤陰。
委浪沉圓鏡，浮波漾散金。
龍遊珠濕淚，兔浴杵停音。
物色涵羣動，天光瑩萬尋。
清明無可擬，惟有使君心。

南湖夜月

積氣通瓊嶼，浮光帶錦城。
向風吹不斷，映日照逾明。
漁棹低迷影，僧鐘暗度聲。
豹藏疑霧薄，龍起訝雲輕。
翠濕

離筵酒青分祖帳繩

一作纓

征驂當面隔凝望若爲情

瑤嶺晴嵐

水出清冷穴臺分太古根
金銀元有氣沙土淨無痕
雪洒緣厓鶴冰涵飲澗猿
夏炎逾濯爽夜靜或聞喧
與道同爲體澄心貴自源
包蒙方賴挈臨別更何言

金石寒泉

鰲聳孤峯翠鳥飛遠海紅
氣凌三浴出光滿一輪中
清露晞山檻浮霞映渚宮
柔枝龍馭正梧樹鳳鳴空
向景千門啟迎陽萬井通
金雞報歸駕卧轍意何窮

青雲朝日

堰合星橋水樓齊月樹柯花疑金綴粟榮是翠圍窩香
薄蟾宮免陰浮墨沼鶯泮芹分潤足壇杏讓春多天上
曾親折山中欲自歌吳剛思斫贈玉斧爲君磨

文昌丹桂

筍向雲根老花從露種開初平元叱處王母舊移來屈
鉄一作鉄 軼一作軼 揺香臉胭脂艷粉腮錦殘紅雨落珠疊紫霞堆

隱憶秦人古偷怜曼倩才且持千歲實歸壽老仙杯

羊角蟠桃

題方壺粵王臺圖

粵絕孤城地浴溟遠海天剪江蹄淨練鏹嶂入中筵路

想稽山道流疑剡曲泉攢林標

一作杓

淺黛疊石積重玄

厓赤非關日巖昏不爲煙層縈纔一簣遺構豈千年只立琴翁杖那迴酒客船東遊眞歷此更賦謝靈仙

荅曾昂夫相壽

初度甫臨荏苒六十學荒年老

愧悚益深伏水長詩慰以相壽值僕以公役如城弗及從容因敢賦此書懷奉謝并以爲別

花甲今辰匝葭陽此夕飛氣回將道長事去與時違長日纏星紀高天澹霧霏春窺梅柳意寒傲栢松圍六十年華是三千學業稀耳何曾自順心已往都非謾識窮通數何明善惡幾自緣持柄直誰謂蹈危機益覺仁居

美還惟義勝肥蒼蒼元不昧耿耿實堪依幸爾存三徑
居然守一磯藝蔬鋤町疇把竹釣灣碕衆果收寒景孤
花麗晚暉改門開逕曲疏樹出山微魚沼浮遊鴨雞田
牧散豨就焉舒耽聽聊以遣歡歎念幼攻文史祛華服
布韋坐披忘忘夕寐行詠抱朝饑高仰山瞻象清懷水浴
沂有情留筆墨無志紀常旂處士多才俊先生尙德徽
只知安隱服豈料覩戎衣扶持餘筐篚乖離獨袖薇破
創身染血履跛足生痲牽拙猶招妬虛藏莫絕希繫維
須落檻鞭勒馬嘶韉性命要金贖貲財執券祈脫身趨
洞府託跡下書幃茨草尋荒址治禾返舊機一作古人

端可法作者庶同歸
村子詩宜註
盧仙術所施
遂期虛自得
寧免大玄譏
筆盡毫皆禿
丹爐火更輝
或疑張仲蔚亦似
董京威之子
留燕客逢人
羨楚妃
鯉趨兼學禮
鰲挈六連錢
北衛辭樞府
南船別帝畿
師門姻締構
儒閥世光輝
先正垂交袂
元昆系學閑
道家聯梓里
枉教到荆扉
老慰停雲切
孫恭立雪澄
斲梓甘苜蓿
茅館對蟬蟻
忽此吟相壽
寧無酒共揮
驅馳空杼軸
酬報乏珠璣
杯蟻須容醉
門駒且駐騁
留歡傾漱澣
崇德倚巍巍

題讀易窓

鴻漸方于陸龍潛未見田一賢貞苦節四聖貢遺篇簡

獨超秦火韋重絕孔編筆光朱硯露燈影碧紗烟法象
那虛日齋居定假年從來履坦坦更此惕乾乾人匪行
塵見朋將拔茹連簷枝存碩果堦井食寒泉意得忘言
表神遊未盡前辯分無有極學貫後先天季主休誇卜
揚雄設草玄唯應華山頂同枕白雲眠

七言排律卷之九計三首

送上清南溟程真人奉箋之金陵

神僊中人何超遙九尺之身萬仞標闊步動成天轉斗
洪音發若海驅潮豈非京兆陳安世或是郎官王子喬
虎穴幾年藏匣劍月臺此去合瓊簫自傳太乙飛龜法

欲共茅君駕虎朝燭水晴垂焚角火分風氣作順帆颺
青鷁引鶴昂聯珮赤馬從龍迴還鑣五嶽真圖歸睿覽
千秋寶籙下宸霄重看散吏稱臣朔復效封入頌帝堯
天地甲兵歸一洗袖中靈雨在傾瓢

題徐子直交柯圖

善山崖者善其基手植株樟遠大期二木試從初種說
一翁深爲後人詒地方十畝分庭列根覓雙栽帶土移
灌溉旣勤筒抱水扶持亦插槿編籬蓋將翠羽干霄上
實待元珠並蒂垂豫指條枚揚今日可看宗系盛昌時
百年雨露餘生息千尺風雲倚蔽虧事與言傳雖往矣

吳書山先生遺集

卷之九

七言排律

五

豕同樹長果符之錦
窠巢接遷鶯
萊金轡絲連繫馬枝
覆閣繁陰團酒席
當門秀色到書帷
客驚馳解施先識
代致麟能送好兒
遂是孝思憂剪拜
由來祖武在繩規
坤靈效順非無自
天道明徵更有推
田氏荆知榮與瘁
王公槐報顯仍丕
却嗤櫟社徒存爾
何必椿齡不壽爲
嘉幹近隨陵谷變
聞孫猶抱棟梁奇
義仁本抵培教厚
文藝葩華發未遲
悵望交柯圖畫裏
秋霜高相對題詩

題元宗傳君西堂三十韻

尾箕降夢一王躬
奎壁垂輝十畝宮
傳系及今常侍後
徙居從昔太和中山
迴列障堂栖右峽
東羣流水注東

夏屋誦弦交巷陌秋窓燈火亞簾櫳由唐迄宋無遺宦
允武能文有並崇樓鼓鳴馳連榜喜社兵勢合四州雄
後來子弟遵家法南渡君臣仗國忠如此閭門全盛日
復當前代治平風粵承壯歲金蘭契每羨喬林玉樹豐
績學不殊鄒魯盛續言奚數漢秦工穿楊春晚名虛薦
攀桂天高路莫通六百餘年題構具三千歷劫燼灰空
仲宣棄去衰時久子美生還哭道窮壞宅尙聆絲竹韻
荒堦惟喜棘榛叢周阿載起殘基廢尋尺重規舊制同
白馬月生涼影度丹厓景落夕光衝聖朝屢詔儒材急
憲府連章物論公書石辭高王介甫釣濱歌逸陸龜蒙

來徵遂見顏。坏鑿往教仍看孔。席融花木掩關春。訪諫
菊松來徑歲。念念關西夫子寧。非爾河上丈人皆是翁。
詩禮在庭閒益遠。耆英入社德彌充。直將孤柱擎宏覆。
大取希聲啟牘豐。高仰近棕瞻古象。歸來絕響振枯桐。
五言絕句卷之十計五首

曉起

雙鵲出梳枝。寒香滿院飛。多情一片玉。和露濕人衣。

晚眺

獨樹晚烟微。斜陽未掩扉。行歌山外過。何處採樵歸。

猿嘯嶺

一掛霜林迥三啼月嶠孤山人無客淚長學冷泉呼

鄧將軍席間子進爲歌者寫梅花一枝題詩二十
字請同賦因用韻戲簡以獻

黑鐵走長幹明珠綴小花鄧林春好在橫吹是誰家
桂林菴守歲

不作還家夢能安守歲禪故鄉非故俗來日是來年
七言絕句卷十一計五十一首

送友人歸郡城省親

青雲峯頂白雲飛遊子思親一舸歸五月江花紅似錦
吹香都上老萊衣

題扇贈首坐

提來電掣風千里放下雲沉月五更
舉似坐中三百衆定從何處有風生

山居口號

松樹陂橫野水流人家相枕住陂頭
萬堠稻子秋皆熟幾隊鵝兒夜不收

歲寒口號

歲月催人易白頭官鐘朝暮殿東樓
祇應休聽聽休憶一百八聲角是愁月二字

乍寒更寒風厲厲欲雪天沉沉將換未換殘年日

思歸莫歸孤客心

一闕作日
思三字

歸將軍席間歌者勸酒索詩醉成口號先酌將軍
眉春嬌不受呼起來佯醉要人扶花前却勸單提酒
挽斷將軍數寸鬚

一闕百
二字

江上

岸桃生色蔥生馨水柳烟來峽角青行過此中春正好
啼鶯苦殺要人聽

雨晴

遠水流渾近水清前山雨過後山晴水雲盡作山雲去
山鳥時兼水鳥鳴

四月晦日夜大風口號

大風吹屋屋欲動虛堂夜涼坐無夢侍臣朝罷送香來
聽得玉章歌大洞

大風吹河河倒流浪頭如山莫行舟揚帆萬斛者誰子
柁側舷歌歌未休

大風吹塵塵若烟飛沙因之起蔽天凌茲可以上空去
皓皓袂裳能不玄

大風吹山山已空窮厓無樹號其中飛飛孤臥不能下
何處更種春梧桐

題方壺寫澹游竹爲何伯度賦
予向居書山時

壺公於濱洲寫寄淡游墨竹一紙今廿年餘畫
久飛去觀此悵然伯度索題書以識感

瀟湘雙玉雨林秋又見江南王澹游寥落廿年書谷底
一枝曾寄寫濱洲

題伯度孤松圖  伯度學畫於方壺能傳其妙作
此與壺公向年寫弔山樓壁間者同意樓今已
燬與伯度道舊題之

何郎學畫出方壺愛寫桤枝直幹孤憶是蒼龍解飛去
故樓圖壁近來無

題蟠溪釣隱

吳書山先生遺集 卷十一
復有鷹揚遁渭川可能漁釣老江天
烟波不是尋常者
請看沉鉤只直懸

日本僧傳至方壺所惠詩報先師遺事奉和五首
時孟循張君在坐

東海飛來日本僧
仙公流詠綵雲騰
得知神島眞消息
人在瓊樓最上層

肝城近別三千日
書臯前遊四十年
師友存亡江海迴
新詩一讀淚潛然

詩來字字碧琅玕
張翰時同坐上看
憶得江東諸故舊
僊公猶隔暮雲端

心喪飛夢繞江關欲買扁舟載櫂還惟有僊公同遠意
淮雲愁阻歷陽山

四十年前講席趨曾承仙墨洒金壺風塵故物飄零盡
更寫袈裟寶地圖

散亭感興

澗西蒲秀長青芽塹北藤香落白花鶯語每從桃上滑
燕飛多向柳邊斜

疎屋掇草團供坐盱水移花細問名白雨坐添書帶長
綵雲看映酒杯明

菊在自娛陶令老萑多誰謂庾郎貧日常三飯能畱客

秋入千杯更醉人

散亭小作事如何獨立長吟半醉歌
疏戶自迤風氣正方壇偏得月明多

老夫無營日自過竹邊花外得清哦
要知獨樂成安樂司馬園中邵子窩

清尊不爲俗人開小逕唯邀好客來
舊有散亭諸酒伴閑時常醉莫教回

荷風轉綠竹雲青茉莉香中酒半醒
童子捧盤清興罷一揮弦上玉泠泠

前沼紅蓮後白蓮春風合坐倚清妍
水僊長日來相伴

何必湖山罨畫船

晚釣初收得鰕肥
柳根呼酒割鱗飛
水亭自愛留人醉
高月當中不放歸

芙蓉花下菊花前
紫櫂傳香入酒船
自是風光供老醉
不教寂寞素秋天

菱下初生玉筍肥
山童莫笑採來稀
沙頭白鷺長爲伴
却恐驚飛雪羽衣

日日梅邊小問春
綠客紅意故相親
因知萬物天心在
不獨孤根自有神

水玉軒東紅牡丹
高長三尺出晴闌
老懷不是貪春色

爲愛佳名與壽安

牡丹買得壽安名
歲歲春風得自榮
從此樹高花盛發
不辭長醉燕長生

獨樂園中安樂窩
堯夫君實好來過
牡丹移作江南錦
洛下春光此亦多

散亭懷友

憶昔空青水玉亭
春明樓下聚文星
二黃楊葛曾羅李
題遍朱闌十二屏
番陽黃均稅處士
羽易黃殷士待
制豫章楊顯民
處士翠雲葛元喆
員外陶原曾子
白學士商豐羅尊
聞處士臨川李伯
實進士

雲林三十六連峯避地曾居最上重東望石碓今已矣

飛來長是有清風

一作踪

先師號石碓山人

去年曾是鄧南陽索我亭中作醉鄉別去茫茫江海迥

歸時把酒掃千行 雲林鄧 甫明府

憶昔南塘處士家春池春月醉春花當時同客會夫子

酒裡歌成每爲誇 臨川饒心道處士

延州季子有諸孫同是魚潭衍後昆玕水釣遊空入夢

潭山樵唱憶重論 尚志居白玕守信隱潭山同出青

魚潭果

一作酒

州府君今尚志化去而守信別且三

年

危虛書道妙能兼會共臨池水映簾百里東西成久別
思吟醉挽兩長髯危伯明居郡城虛伯良居江東皆
同門者亦皆長髯

散亭酒伴野堂人三年去醉金陵春鳳凰臺上咏長句
馬家渡頭候迴輪玉田錫正務時宦遊建業

散亭酒伴中山人秋時去醉杭州春錢塘江上潮如雪
長嘯可以清遊塵中山唐季雍時客錢塘

散亭酒伴深陽丞文獻之家端可徵渴來不飲長江水
松壑坐嚙千年冰陶原曾昂夫任梁水縣丞

胡布將軍好古書昨過不肯久停車畱來大篆溫於玉

丞相中郎比弗如
盱江胡子申爲建昌推官武畧將

軍

前朝博士古潛夫姚氏諸孫出有虞近許爲文俱未到
幾時白壁照明珠
王伯達博士自號潛菴陳彥鄆州
同知自號姚東之

明老壺公與古齊寄來詩畫滿幽栖自知方外多長事
那得同來爲醉題
疎山啟東明上清方方壺

不見三年龍伯高文雄長與酒爭豪若能再起張嘉定
掃盡人間萬兔毫
臨川龍叔昂久別上饒張孟循嘉
定知州久故

盱上交遊有數公
死生契濶迴飄風
得歸宗老今疏廣
出宰即官舊魯恭
吳大任新淦知州
程彥期中年知

縣

盱上交遊有數公
只今鄒子最文雄
紫山鄉郡歸來蚤
應傳書山獨足翁
鄒元方宜黃人

盱上交遊有數公
謝家玉樹幾春風
多年寂寞南窻雪
回首青雲謾滿空
謝南憲先生姪遷玉

七言絕句卷十二計四十首

問辨公借維摩經

土房火室擁蒲團
門掩東風不受寒
坐行維摩經一卷

辦公應許倡來看

東明別後問訊

攜得春風到散亭
壁間蘭竹一時青
自憐病酒無陪醉
不是當春愛獨醒

紅幘烏鞋踏落暉
歸雲不濕七條衣
別來莫怪遲相謝
春雪連山對掩扉

和東明虛空掃帚韻

掃帚虛空不見來
虛空不掃本無埃
惟留一片袈裟地
長照仙舟古釣臺

題四畫

玉管初調笛未成
箏絃檀的試春聲
東風背送君王手
配作雌雄合六鳴

明皇貴妃合笛圖

舞困歌慵酒夢遲
小欄舒腕轉腰時
落花垂柳嬌無力
都送春愁上兩睂

宮人欠伸圖

缺月疎星落翠閣
春嬌賭采馬爭飛
綠衣公子來和局
顛倒門梁說息機

鸚鵡聞雙陸圖

立仗歸來戲白沙
香塵不浣五雲花
奚官莫敢當前整
爲感龍遊赤水涯

滾塵驢圖

題黃荃五鷄圖
中立而並食者二旁窺而趨者

一後飛而返者一其
一則立立梳翎蕭然獨守

而前也畫者得無意乎

並食秋原草實黃窺旁逐後日茫茫岩阿獨有忘機作
機者背立梳翎向夕陽

春日陪宴南部使君賦窩字韻十絕

杜老郊垌逸趣多嚴公小隊散游歌江山天與金湯地
花柳春爲繡錦窩

柳外朱旗拂水多穿花立馬聽鶯歌雪筵坐納春千里
雪壁催成玉一窩

棠花黃處麥苗多戍卒無諱野有歌潞國耆英重結社
邵家安樂久成窩

欲知民樂此時多，里巷從公嘯且歌。
擊鼓馮夷來水底，吹笙仙子出山窩。

風雲星象入春多，南部迎車有詠歌。
西蜀由來堪問肆，東藩從此作行窩。
宗老時好談星數

宗老懸車歲月多，綠衣列屋繞絃歌。
小樓近水臨無地，脣鶴藏春自有窩。

城南春色滿樓多，樓上春聲入櫂_{一作棹}歌。
肝母水生青

草，渡從姑石擁白雲窩。

海燕來時社雨多，繡簾高處倚闌歌。
花溪紅漲魚兒浪，苔石青攢彈子窩。

畫船春水柳風多
石樞浮波釣者歌
不用春圖開北苑
好客日記寫東窩
北苑董元長畫東窩錢融堂先生

有日記

古盱郡府俊賢
安晴日春遊載筆歌
上相三台光節鎮
先生四壁老吟窩

客有索賦
有奩體者用窩字韻戲成春興十首
附首

吹花小戶避人多
細曲傳嬌款款歌
風遞軟香通密訊
雲迷暖翠抱團窩

何處逢迎惱客多
別時言語醉時歌
香留蝶粉花成陣

東山先生遺集 卷十二
果護鶯黃葉作窩

知隔銀河路幾多
夢中依約似聞歌
星分恨抱蓮心苦
露浥啼深柳眼窩

幽懷冉冉爲誰多
春曲新教碧玉歌
綠字書題裙褶綯
金杯暖覆掌心窩

落花風老欲無多
白苧裁成自解歌
鵲若有橋皆可渡
燕寧無處不爲窩

五雲驕信踏花多
歡倒春壺倚馬歌
朱瑟久孤新格調
烏衣重覓舊泥窩

唾茸窗暖印紅多
針指停來掩扇歌
秋水溜成波際清

春絲盤作頂中窩

繡得鴛鴦字不多教成鸚鵡解嬌歌
今從寶騎來時喚字在香囊結裡窩

牡丹庭閣錦香多困不能眠立自歌
吹膜對開雙竹管密脾熟釀百花窩

又索賦雜采歌再用韻十首

日炙紅衫汗染多齒橈徐轉采蓮歌
笙絲不斷牽風縷葉蓋輕翻注露窩

女伴相邀出浦多停船鬪和采菱歌
謾因手刺嫌生角却爲心嬌妬起窩

獨抱長鏡積雪多歸來空負采苓歌
絲蘿氣伏難尋脉
鳥獸形深不離窩

朝日提籠陌上多風梯裊裊采桑歌
玉鞭五馬休停騎
一作金盃雙蛾自結窩

黃花翠葉蔓溪多險路溪人采葛歌
風氣黑時經虎穴
雲涎腥處度蛟窩

雷起春叢谷雨多村南村北采茶歌
鵲兒芽吐黃金舌
螭眼湯翻碧雪窩

聞之怨臆古來多雅有終朝采菜一作歌
設是窮臆誇
五技誰殲狡兔盡三窩

塵世勞勞一夢多
高人處得采薇歌
百生功利爭蝸角
千載英雄戰蟻窩

先生逸興昔何多
秋老南山采菊歌
攘攘駑駘馳駿路
恢恢鵠卵伏雞窩

名在丹書紀錄多
小天深洞采芝歌
桃經幾度花成實
藥自千年火伏窩

題汪子昭歸隱圖
其先烏頭人今家漕洲

寒山一作江歸處晚山重
還是漕洲是頭峯
記取石堂清

炯上思君來覓抱
琴縱

寄黃滄洲逸士

烏柏疎籬細竹遶古江分道不通船白沙門外三峯好
爲問春吟到幾篇

古樂府卷十三計四首

銅雀妓

歌筵春夢覺陵樹秋聲起銀海鴈不飛長天淡如水忍
裁舊賜錦密縫合歡被風開繡幃香疑奉皇靈醉

臨高臺

高臺踰百尋可望不可臨雲梯引危石霧拱標華林草
如歌童袖花嬌舞女衿此中休悵望非是舊黃金

隴頭水

隴水何心鳴咽鳴征人聽作斷腸聲征人歸日聽應別
如何只作鳴咽說水流西一作四下何已時征人有去無
還期請君爲絕天驕子過者喜心來聽此

公無渡河

公無渡河河無舟濁浪直底無清流挽追無及公渡死
賤妾雖生空自留便欲從公與俱絕波濤不定難同穴
公其有靈待妾沉骨化連環屍永結精衛雙填河易竭
公其如此筮篋月

詩餘卷十四計八首

早秋感舊

浪淘沙

風露小窗明爐煖香清冰紋珍簾夢無成金井碧梧飛
一片便作秋聲 何處弄秦箏環珮琤琤玉京人遠舊
愁生新鴈來時書到也天濶雲橫

和昂父九日賦

朝中措

粉花雲母研花箋小字短長篇逸韻謾傳秋響閑情都
寄春妍 知音何處周郎羽扇鍾子朱絃白雪今朝傾
耳一聲羞殺當年

隔江不寄半行牋雅調忽連篇頓覺佩萸生色豈無杯
菊呈妍 如今贏一作贏得西風破帽流水遺絃報道先

生歸也重陽風雨年年

浣花春水賦魚箋寫不盡吟篇墨草香涵遺潤筆花光
動餘妍詞舊遊如夢金魚換酒銀甲彈弦思繼龍山舊
宴新晴贏得今年

移家相近費吟箋疊賦往還篇坐客茅齋低小照人松
水清妍詞多情曾寄歌題鸞扇曲度鵲弦二老風流長
健紫萸更約明年

賀天師朝回

法曲獻仙音

嗣漢傳家封畱開國系著神明玄譜虎舞香霞龍吟碧
月朝回春滿天路朝回春滿天路拜內寶分金銑宮紗
卷銀縷似前度詞記方舟順流東下親捧日攜手朶雲

紅處青使降蓬萊便翻然先賜歸去法樂靈漿燕瑤池
一派錦樹運無爲清靜贊治同敷甘雨

題鑄長史畫像

永遇樂

冠鑄黃金衣裁白羽來向何處攜袖薇香巡簷梅玉獨
倚婆娑樹點枝茶經品題畫譜吟老屏山香縷人爭看
清脩鶴骨吹下海瀛僊侶小春庭院瑤草瓊林長向
此花前度入幕佳賓通宵眞使別是青雲路壺裏乾坤
枕邊玩著未許桃源歸住須知道卧龍神谷人思霖雨

一無
脩字

詠燭

百病

單衣初試便芳心微露素腰凝碧自別綠珠零落後寂
寞霜林故國紗影搖紅籠光映彩瘦損嬌無力立殘更
箭銅盤粉淚堆積 尙有嬌小含羞畫羅衣未褪暗教
尋憶一點分明釵粟綴都報內家消息漢殿飛烟芭窓
剪兩人遠無蹤跡它年重約相攜蓮炬相直

雜體卷十五共五章箴銘附

紫霞滄洲條二章送別德昭尊師歸鐵柱

披紫霞兮爲裘襪將歸兮滄洲寫朱影兮遠水炯丹光
兮高丘姑之陽兮盱之幽佳人別兮寧莫我畱渺予懷
兮素秋今夕之夕兮浩與公子同舟遺子晉兮鶴笙賦

方平兮麟羞蔚西山兮故宮撫鐵柱兮潛虬潛虬兮不
波翼皇極兮先天以遊

指滄洲兮爲家蹇將歸兮紫霞振飛珮兮朗風泛流觸
兮落花漳之浦兮湖之涯佳人去兮寧不我過馳予目
兮橫河彼美之美兮飄與公子同槎導金童兮虎瑟引
玉女兮鸞歌偉西山兮別館撫鐵柱兮載華載華兮長
春綿皇祚兮後天以卮

玉珮條題文敏趙公石蕙圖

抱玉兮荆山紉珮兮澧浦露瀼瀼兮旣降雲冉冉兮在
下懷予芳兮莫知蘊予美兮誰語思公子兮不可見澹

遺墨兮悵延佇

散亭逃禪作二轉語以問疎山長公長老辦公啟

公二東堂智公藏主還作麼生

世尊以正法眼藏付摩訶迦葉曰法本法無法無法亦法今付無法時法法何曾法今爲轉語曰 無法何所付無法何所受無付亦無受法眼亦何有

達麼以正法眼藏付慧可曰我今來東土傳法救迷情一花開五葉結果自然成今爲轉語曰 迷情一以救傳法徧東土五葉再開花結果在何處

銘箴

獨足先生未能得僊思與世隔居於散亭坐必垂簾於是佳簾之名述其德而爲之銘曰

平直弘方維德之隅抱虛而張守一而居限不爲室柔不可踰洞明中外以時卷舒允嘉厥名吾其汝徒

獨足子旣以安安昭昭名其齋居之二室因爲銘

箴以自警

安其所安人所同安安其不安我所獨安思安其安其天迺安無安不安是天安安

安安山房銘

昭其所昭人所同昭昭其不昭我所獨昭思昭其昭其天迺昭無昭不昭是天昭昭

昭昭山房銘

終

吳書山先生遺集卷十六至卷二十

獨足雅言後集

十四世孫廷相同男嘉棟編輯

原本

同邑後學車效參校閱

四言古詩卷十六計七首

守拙齋

空侗愚蒙質樸弗渝世以爲迂吾迺與徒假佻詐矜智
術是憑世以爲能吾弗與朋南山之松雪霜矯矯誰其
桃李於春有耀我林我廬我出我居坦坦舒舒浩乎古
初

慈竹堂

郡城張君懷遠英才美度爲郡佐吏其

先世有慈竹堂燬於兵二十五年餘而慈竹復
生廼於故基而仍堂焉慈竹一名孝竹又名子
母竹以其葉生相依根不遠出有子母之義孝
慈之意故名而張氏因以名其堂也則居是堂
觀是竹孝弟之心有不油然而生者繼承無遺
其有道也夫昔在炎漢是竹生白虎殿前當時
羣臣咸頌之以爲國瑞今見於此豈非張氏之
家瑞乎徵詩於予是用作歌

有堂渠渠五峯之區蔚彼慈竹植予堂隅惟竹之生不
遠以疎臂茲子母相依而居

渠渠有堂五峯之陽慈竹蔚然蔭於堂房維竹之茂不遠以揚譬茲子母相倚而昌

竹悴載榮堂煨載營有美張氏孝慈是承竹榮而菁堂營而成有美張氏孝慈是寧

晉瑞於國漢代攸崇大夫獻頌孝慈之風今瑞於家張氏攸宗小子作詩孝慈之功

先澤齋詩

君子所貴尙念世德優渥在躬先人之宅其澤伊何匪雨露滋涵濡汪洋溢此孝思維君子父道源斯啓學海漲瀾文淵澄泚其流何微弗絕弗汚有子熒熒七齡而

孤孤而克立仰澤若竭遺物不忘顧廼其末維澤之大
衍而長之浩乎其歸沛乎其施漸仁洽義浹髓淪肌沾
漑無竭後嗣是詒

題危氏醫士

醫師之良三世其老危氏數葉聞者何蚤家傳自幼民
命是保金匱抽書玉函啓寶妙探化樞功翼天造於是
無遠豈非有道龍子作歌其聲灝灝永言保之來者斯
考

五言古詩卷十七計四十一首

題淮海秋思圖

雲霄石頭樹天長京口波空色不可攬商聲如有歌未
能雀雉化如此燕鴻何

題石溪幽賞圖

玉光寒欲飛翠影秋不落方流下無泥真氣中在璞那
此川上翁卓然巖間諾

題松雲樵舍爲甯君叔振賦二首

大刀斫松青小刀斫雲碧雲碧裁白衣松青煮白石興
來運斤舞情倦枕柯息閒作叩角歌人知齊甯戚
樵松不爲材樵雲不爲霖絕彼濟時用遂此高世心風
聲寂萬壑雨氣生重襟隨身一長斧歸憩草堂吟

帳中揮扇風

帳中揮扇風此風竟何得因知大塊噫長運物不隔自
向靜中存而從動中索動靜吾如何太虛妙難測

送別里友唐季絜挾砭熅術遊浙四首

待術播陽西濟人吳越東不辭涉道遠祇以安民竊針
石作司命心手叅化工浙上富生齒先施斯妙工

中土昔崩潰至人遯荒遐師襄入大海老子之流沙古
播緬多險大藩鎮無譁神書際眞逸授受還諸華

壺子妙粉繪張盧擅文藻聯翩一卷軸慰藉千里道野
館雲木涼湖船水花早佳遊信所之去去東方好

隣近三四里往還一二友行歌竹上題醉舞燈前酒英

邁憐同心衰遲惜分手暫違冀邇返無俾長回首

原本作四

首抄本一作一首一作三首今仍舊一
第一首衍字下闕一字攝字下無陽字

應虛辭題望仙車鍊師新樓

星明玄天朗神降黑帝尊杳靄下蒼旆離羅開紫閣飛
字跂中霄層層壓重坤空光洞相射靈響清無喧金精
運元氣玉章諷道言

釋憂

天地本自寬我身何所容世路亦自遠我足何所從開
口若無舌低頭如有髮徒抱千載書浩歌倚長松不如

步書山房先生遺集卷之十一
强健兒意氣軒顒顒一宿兩女妾一酣千酒鐘

垂鈎思釣龍結網思獵虎龍虎兩不逢抱膝獨踽踽向
來同學者非時將力取山海方莽茫豺蛟反凌侮羊麋
落深穽螺蚌罹數罟苟得弗爲仁瑣細焉足數

題雲林鄧彥誠清風亭

宇宙一高致鄧君今得之幽亭山水間浩焉古先期彭

澤歸泛菊商山

一作顏

行采芝子陵把釣早安石秉釣遲

聞者潛有作是起末俗衰我非尹吉甫敢和穆如詩

臯山八詠

台精化連山華蓋張肩岫森石恒夜明叢林自冬秀一作

戾勢分鼎峙雄光炯珠聯秀局戶想佳期疊泉散懸瀉
蓮花濯秋水祇樹蔭晴晝稽首屹老人維南與君壽

右三星嶺

卷匱積而高其勢微如縷英英石間起裊裊空中駐芝
蓋結未成松巢覆還露色非蒼狗化影是青鸞舞欲歛
不盈分放之可充字時施一流通大地皆霖雨

右小雲峯

茗飲本佳植叢生翳幽涯春雷肇甲拆冰雪凝芳華蕭
條絳玉幹寂寞黃金芽採掇不時獻封培仍日加龍團
碾黑月蟹沸燃丹霞坐薦清涼味風生陸羽家

右茶園

此有武陵路而無避秦人
思維萬雲錦悵望千巖春
樹憶立都種池疑瑤水津
風花邈已遠霞實將誰陳
永溪紅雲島行翻紫陌塵
束皇一流顧相與遊芳辰

右桃塢

石眼啓孤竇中有無窮源
混混流不息泠泠鳴弗喧
月沙光益白雲澗暗微奔
自抱獨清潔寧同衆派渾
汲廚匪別道灌圃始分園
悟此不二意可與洗心言

右一泉

空洞踰檜重盤回問四山
崦爲屢開合石作六交關
內

淵東西合中雲左右環始入已欣得彌深益忘還泉疑
匡廬盤源想華岡鬱譙李迹殊遠高風良可扳

右三谷

光遺化精質狀類能言禽長卷如簧舌深藏獻國琛初
非困籠繫曾是老丘林落蕊點紅嘴滋苔被綠衿洲遠
詞人賦盃空酒客尋何當持入奉庭院默知音

右鸚鵡石

怪此禽名地而令客少行我來秋序半時踏野雲橫滑
滑泥何在斑斑草自生聲沉楚山晚形隔湘流清舞客
燈前影歌姬酒上聲茲遊非不得顧步亦含情

右鵲鵲原

贈彭南溟畫師遠遊

南溟漲天池水鑑融萬象天光下無底毫末一相倣立
黃是真圖粉墨非假像靜客入虛瑩動影涵滉漾僊翁
乘扶搖顧妙入心賞點染落統緒流傳滿屏幌浩遊倏
九萬雲海渺予望

贈星命韓者胡萬里

子盲視以心予跛履以道道履隨地安心視達天造自
子星羅胸逢人每傾倒得錢卽買醉鳴笛過江島頃來
邑市中把袂葢草草開口吐高言其誰歎枯槁勞生各

有苦廢者廼世賢彌性以長年和咲成二老

四哀詩

楊顯民

黃均稅

鄧季謨

鄧貞甫

處士楊顯民白首水北山商歌振金石老屋夜無關力
難制頽波心實悲時艱憤疾遂不食身後川頗慳狂童
自相貳莫犯閤閭間且復爲禮葬聚哭紛潛潛有道足
一作被世而能感克頑悵望豫章雲高蹤誰可攀

楊顯民

詩人黃均稅短褐恒苦吟湯侯建義師欲往獻其琛懷
詩見大意中道虎狼侵探囊得所寫觸怒加斧砮遂剗
錦繡腸竟剖賢者心平生嗜古作自累重懷金憶我山

樓壁舊題烟草深子期既已矣予亦能鳴琴

黃均稅

鳳雛出飛時思奮鷹隼翼雲暗五色毛離披殞荆棘烈
也伯仲間孔文武且力百篇帝王書爛熳蟠胸臆逢余
語平難髮怒髯亦直手製黃柘弓駢駢金爪飾持之復
鄉邑竟乃殉王國老屋位虛存按頭螢幾黑

鄧季謨

雲嶠夙降神鄧氏大其後石也挺孤標松雲漱纖垢采
桑遊蓬瀛調琴

一作鶴

僊者友却攜傳家劍歸在薺羣醜

嚴霜白沙道力屈骨竟朽義死知所安豈必皆白首竹

橋流水路斷此平生酒慟哭招魂天風落疎柳

鄧貞甫

獨足詩 獨足子既棄於時嘗著傳以自解暇日
復爲詩歌之曰

貌取失子羽形嗤慚趙娥不見平原君宣尼寧重過卻
元何使國孫臏尙揮戈支離役且及塞翁得如何抱璞
未一試泣傷迺同科幸有尊足存依仁以婆娑燒松玩
遺古一作 嘗飲水以高歌幽貞保素履獨足亦已多問我
王駘子安栖短牆阿圓圓石間柏露霜蒲其柯

題陳宗孝泌樂亭

吳書山先生遺集

卷十七

八

濯纓須濯足濯足貴所履洗耳須洗心洗心重所止萬
事無聞知半塵絕汚滓安行從所欲愛樂泌之水泌水
何洋洋君子眷然喜源

一作原

是無聲泉流爲不波泚澄

明寫長聳涼泓漱寒齒簞瓢酌青天潢

一作橫

傾月壺裡

十旬弗窺廚竈絕烟火起鄰人來視問怪見腴色美我

聞往從之時雪方閉汜

一作洗

長川凍如石抱斧鑿中泚

珠璣八百斛璫璧連十區一煖玉化骨再醺瓊作髓盼

河濁渾渾染海鹹淵淵獨悅清淡交忘飢卒年紀舞風

何逸悠周道平如砥亭居嗣遺音山肱枕而已

送宗人季善調江州府史

季善同出果

一作米
一作酒

州刺史府君葬於青魚潭

有吳向東方中土必敬止果州山西南傳世啟肝汝詩
昔盛前開國史先後緒自爾六百年人物代稱許君實
好水居予維汝川住同源而異流派別尚清素浩浩青
魚潭戢戢碧麟墓時艱限展省宗牒缺通附逢君當試
更握手笑相聚文律蟠心胷足繼先父祖此行屬歲調
捧檄向湓浦檣燕送飛帆江鷗和鳴鴈別言各有期在
卷盡嫻故況我同姓間敢忘申所慕恭惟果州政遠紹
河南步設施具家東寧之府公遇私已非丈夫懷鄉卽
婦女從來出卿相刀筆豈輕舉我殘事翰墨宸布不少

與臨風招長縣去去無多語

之字一作无
婦字一作况

塗山修先祖墓

禮古不修墓宜尼明嗟吁先塋座已久崩石能勿圖自
負經承責敢虧壯規模凡諸慎失鑒况此重厥軀

五老峰

從前慕名勝及此瞻崢嶸五老如舊故招人吹玉笙迎
來近苦脰望去遠猶橫如何兀不語應笑老於行我志
捫雲松何心攬汀蘅稽首堅後約區區勞其生

落星石

飛星下歔湖化石弗上天四山衝不動深根立欲闌首

開鰲間殿中啟龍象筵如炬燭靈府豈敢問神淵

長山頭感觸舟者

北風吹長河崩浪洶南舛勢衝斷崖石銳氣方少殺西
來者誰子側席冒澎湃性命幸苟存貨物空靈怪咄嗟
嗜利行良昧垂堂戒世路日多艱能不寬衣帶

觀音岩

晨過觀音巖人疑普陀寺洪波震海潮靈施方在此金
閣開石梯香烟謁厓渼慈悲有弘願特過風颭駛灘險
皆安流神功固能事過舟弗勞貳頂禮我大士

湖口望南湖

湖口望南湖諸司列兩涯粉墻帶綠柳署宇紛成排
船指運局驛舫投津堦微巡岸對塞邑屋山通街關議
而不征私挾誰得諧來往少商旅縻縲乃吾儕買魚長
如人薄酒聊慰懷故里日以遠隔河是長淮

淮岸阻風

東舟風莫前回泊淮西岸淮西莽千里蘆竹平如板人
烟曠無鄰客路迷少伴飢鷹逐走免斷鴈時一喚幅員
既廣大政治軫宵旰涉川在利貞聖者垂易一作象

象一作贊

題盱江何氏南山丹室

我爲羊角賓子近鳥爪僊山荒日相樂海書時與傳一
房鍊丹地五石飛光天行人過門者散拾紫金圓

散亭夏日

久已心向寂況茲地且偏如何尙物聒林鳥時一喧澹
漠華藻亭優游竹素園蘊異默深契祇可靜者傳一作言

送別東明高弟善維那歸閩省親就以杜詩

一本有評

註二字傳入書市

白雲有法子歸省白雲親閩樹三關遠江花五月新錫
飛空出界衣不染遊塵我有草堂傳能爲錢梓人

安慶憶余忠烈

今古尊義概睢陽及淮陽江淮一保障卓此余與張張
公冠前列余相亦重光祠祀昭國典後先屹相望漢沔
昔橫潰孤城立無旁陞守修樓櫓水攻嚴戰艦東南仗
控扼十載斯小康至今撫遺局故壘鬱蒼沉井固不
改江流自何長須令文苑傳兼此述忠良

五言律詩卷十八計十三首

題山人楊孟遠其先世楚江所得贈詩

水竹盤盤溪花固小小亭閉門人病酒敲戶客談經覽
鏡驚新白探囊出古青相留成夜語白可解春醒一作醒
下南康候家舟未至

箭師中夜起不待後船來杳杳空相望遲遲莫與催山
標飛雪瀑石指落星堆當是南康郭家人對酒盃

玉湖

老客歸千里殘年送五窮漸長行地日已得過湖風春
酒催浮蟻殘弓落斷鴻問知前口路近與玉湖通

次五城五老集中所作

日日醉壚頭當春集勝遊山公來瀚海水客過羅浮鳴
鹿歌還起嘉魚味易求自同僊者樂不與俗人酬

聞砧

寒服今年早秋砧此夕聞驚將時向暮聽過夜將分雙

杵重門月孤衾半榻雲良家年少子辛苦遠從軍

元旦試筆

昨夜三更半新年七袞初尚看雙鬢黝頗覺兩眉舒
老
子何妨酒會孫解讀書一生良可笑獨足更何如

失題

畫棟餘堂構文龕儼几遶天茲昭世德人亦賴鄰賢
屋
缺村丁燼窻昏紙焙烟葺修雖小費繩武益深憐

題麻姑清賞圖

姑嶺丹霞地姑山白雪人舊遊渾是夢今畫宛成真
江
樹烟長晚巖芝日自春玄都此坐致怡爾洞天賓

書山十詠

疎山一名書山何仙舟嘗讀書於此十詠今僅存三首一首闕文餘俱逸

松下石龕

矮上人塔在焉

翠蓋虬龍舞文扉琉璃鑄伏令

一作茯苓

獅坐壓舍利免絲

懸苔暈生衣密蘿陰覆頂圓袈裟留片影長占白雲天

峯頭布鼓

左峯名上有周迪祠今圯

霧嶺標千仞雷門記一鳴織成何絕響僊去遂留名白

茅空傳譜青崖想勒經雄圖寄金華祠祀有餘情

石井龍歸

寺舊無井相傳龍王化身就堂前大石上鑿井過江而波不絕

混沌傳神鑿淵潛識異藏江流微逗脉雲氣濕依床修

影蟠深黑龍涎逐浪香時因聽法出

一作曲

寒潤滿禪堂

暴雨

驚雲礮過屋鳴雨打窻來
溜合塔渠沒聲搖戶扇開弗
迷思帝德必變愧凡才
天勢蒼茫裏蛟龍與地迴

秋夜

城月窺牕紙江風振石林
更催五鼓動秋入萬砧深
歸思生高臥閒愁付短吟
周公人不夢寤寐獨何心
五言絕句卷十九計四首

黃石磯

黃石磯頭路由來與問津
誰爲取履子不見授書人

失題

泓澄甲潔滂其下有瞰窻風波無大險過者莫可忽

失題

薰香被市郭鐘鼓六時傳一廢今未起荒坵樓過船

失題

雲水無遺跡天星有化身功名知退者多是赤松賓

七言絕句卷二十計四十三首

攜故泛江候友不至口戲簡

紅袖擎舟傍翠微
欽眉凝望碧雲西
低歌惟恐風飄去
知有青樓客思迷

題李君可白山房

五松栽自幾年期還是江東散客時供奉罷朝長日醉
宮袍掛在最高枝

城中口號

吳船越施高嵯峨蓮子米來白且多黃金百兩斗升直
更無一金能奈何

一日出戰三日醉珠玉哄入倡家樓官賞如山無力得
能不餓死米船頭

官馬槽頭有餘粟娼女盤中有餘肉女能歌舞馬能行
男兒讀書飯不足

四月之交麥初黃農夫指作全家糧
麥遲饑死田頭路

苦辛種熟他人嘗

蠶熟絲長婦力微布裙夜響鴛鴦機織成買米一朝食
舞女醉歌時換衣

錦服紵裳卸輕暑飢

一作
饑

來易米賤於土倫生近飽適

眼前霜降投衣誰得取

城頭斬首如斷壺城上啞啞盡飢鳥有罪宜誅不宜食

人無

一作
今

相食還相圖

程楚山楊廓遂子見過

城中僦屋似山家杏樹穿簷雨溜斜公子同坐楊執戟
吟餘落盡一庭花

自解雲林薜荔衣
五峯千日把長飢
相過不厭聽春雨
坐憶山中笋蕨肥

簡饒心道先生

崔瑗能爲坐右銘
伏生誰受濟南經
桃花峯下過新雨
憶步春雲看晚星

一作時

考槃對雪懷友人約而不至

碎剪瑤臺萬鶴翎
舞空蟠一作蟠

一作蟠

地白冥冥夜來山
閣無

燈火自映寒光誦玉經

丹光照室紫氛飄
下界群靈日早朝
謾怪屋西鄰虎穴

一行新跡破瓊瑤

氣字一作氣字

僕去家滋久鄉友是疎值時初夏有懷朗亭枇杷
向熟有作

客歲歸時樹已空江城風雨隔筠籠只今再熟能來未
思在離弦要眇中

一闕客
歲二字

望左蠡憶同年同張玉文饒子進賦詩無在者

昔日嘗題左蠡詩諸公遊者不同時官舟此日難淹泊
獨憶鍾儀楚奏悲

狗頭山阻風

霜降欲霜北風還繫船三日狗頭山不是空教波浪惡
匡君畱我看廬山

下大灘

南康下來灘石多岸脚散帖圓陀陀浪沙淘盡去鞋用
獨有光氣衝屋阿

三五

一作老清晨朝玉皇金削芙蓉日下光多謝高風遠

相送烟爐陣陣飛來香

白髮老翁三四船傍沙夜漁朝得錢鄰舟望見晒魚網
搖櫓爭買槎頭鱖

夜泊青山

夜泊青山賣酒家石垣茅店酒旗斜閉門臥臥當墟者
不與開醺醉素華

聳鴈

澄澄秋水湛長空江歛天寒未有風白露滿船人不寐
數聲新鴈月明中

鞋山

黃頭長年五六箇船頭搖櫓聲相和船中老人日晏眠
起來不覺鞋山過

上風不便下風船三老緣岸順流牽橫橫百丈帶江色
向日界破湖中天

女兒港

大姑山前女兒浦女兒起風留客住老郎不顧女兒留

如此浪波那可渡

大姑山後女兒灣小山對起青髻鬟不見當時舊梳洗
江花長似春粧顏

十月始見刀鐮工

南昌久客頭蓬蓬十月始見刀鐮工船舡照水一梳櫛
短髮不禁湖上風

柘溪換舟下川江

柘溪換舟川水黃渾如泛河濁茫茫東流無限朝宗意
念念清流歸故鄉

夜泊小孤山夜起看孤石

屹江孤石立高寒，一道銀沙擁翠團。
爲恐明朝開施蚤，攬衣夜起月中看。

夜下馬當

船頭風起船尾涼，蓬上月來蓬下光。
白頭擁被方歸夢，不覺飛帆過馬當。

佛指夾

小浦中分佛指夾，寶山旁起圓如塔。
金僊不見一彈時，葦葉蘼花秋颯颯。

楓山磯

湛湛長江上有楓，未霜林葉幾時紅。
夜舟過客無眠得，

滿樹秋聲逆水風

漁父

船頭舉網後，搖櫓白髮老。
翁青裙，嫗得魚買米，酤酒來醉飽。
却下迴灣住。

望後舟

家舟渺渺到何邊，計日當來幾設期。
逆連一作水逆風皆是阻，空嗟淮岸候多時。

淮岸夜起觀燒

瀟瀟冷雨暗長淮，夢起秋愁又入懷。
野火不知何滿地，應燒蘆竹應官柴。

鴈汭懷亡兄

落帆今夜泊淮西
雁汭東邊雁對栖
蘆葦風高霜露冷
月中時起斷行啼

江望

幾向園亭坐不歸
山盤對酒薦春肥
醉來擲作王孫彈
打起雙栖白練飛

胡君子泉惠一鳧瓶酒是夕獨酌戲成東謝

坐憶麻姑白酒缸
山甌分送到幽窻
也憐獨足無行處
鳧隻飛來不作雙

九日客中對菊

吳書山先生遺集

卷二十

七言絕句

十九

聽得聲聲賣菊花街頭人向擔頭誇
秋香滿地風霜晚好在南山處士家

宿江上聞漁唱

西月無光遠夢回東牕分曙海天開
江風盡力送長峽送得漁歌到枕來

楊妃海棠

聞道移根海上來艷紅低困倚風開
沉香亭上嬌無力誰喚春醒夢乍回

題東明蘭竹

不見丹堦與虎堦蒼筠芳蕙何悠悠
大師行遍東海上

拾得翠羽珊瑚鉤

珠溪

香爐東面立天西
金紫搖光水上齊
多少遠山看不識
數家漁戶是珠溪

闕文

失題

解石滑當溪橫梁跨水低
綠蝕秦鞭血青漫蜀墨題

原在

卷五唐氏中山八
景詩後今刻卷四

浮石

寒江貼平石春漲高不沒根
浮積水深立此巨鰲骨

原在

吳書山先生遺集

卷二十一

卷二五言古詩淮岸風之次今刻卷十七

雲關虎嘯

寺之第二門原名紫雲關

含章林隱霧舊舌峽生風吼動金聲應巡行紫氣蒙

原本

卷二五言古詩書山十詠石井龍歸之次今刻卷十八五言律詩

吳書山先生遺集卷十六至卷二十

終

劉氏孺人墓誌銘

吳氏自泰伯后春秋時公子札以詩禮聞漢河南守吳
公治平爲天下第一唐太史兢直筆名史太史之七世
孫宣公避亂居盱之南豐三子曰綸經紹孫十八人曾
孫七十七人家大以蕃有諱熊者宣之曾孫紹之孫也
由進士通判泗州始徙今之疎山後以田宅施於僧匡
仁號矮師叔者爲白雲禪寺而遷山陽之疎溪通判之
十世孫宋進士諱文秀號疎溪先生爲會之曾大父文
秀生桂華號溢溪先生爲會之從大父桂華生德潤爲
會之從父以天歷己巳受室於劉氏之廟而歸時我從

大父公年已七十嗜佛老學好施與緇黃修齋事彌旦
夕夫人潔蠲奉祀無怠容其奉上之孝如此從父好聲
色大馬夫人供奉無嫉色后得喘氣疾夫人躬扶侍藥
餌終歲無厭志其內順之謹如此夫人未嘗入學子長
出外就傅歸必聽其課誦因問以書遂能通文理識字
盡其示下之教如此家素饒財夫人勤儉夙興擴充以
成暨亂貨空於寇奔遁苟全乃卽中洲庄上以居益自
勤殖樂其桑麻牟菽之業因高爲宇舍以安不復歸故
里其治家之誠如此維我吳氏族衆事尊撫身夫人敬
慈之道著焉姻賓問遺之繁公上賦稅之重夫人相成

之道著焉宜其享有壽福儀劉宗閫而以洪武十七年四月七日勿疾而終距其生年庚戌八月十四日得年七十有五從父先夫人二十三年而卒子二人長方先夫人十年卒次順先夫人二年卒女一人慶適臨川黃通孫男七人長寬亭先夫人二年卒次孫裕衰經承重次溫忠恕彙序焉孫玄五長戒適火原余淵次正福已織俱在室曾孫男二人命昌郁生曾孫女四璠珉珍琛俱幼劉氏居里之常豐宋釋褐狀元堯夫之後夫人之大父號翠屏先生其後皆厄於亂莫能舉其諱者惟鄰老傳其號云今以是年十一月乙酉葬於臨川長寧鄉

之黎山夫人在時所自卜也將葬裕泣拜請銘予惟柳
子謂婦人從人之道內夫家而外父母家劉氏事多逸
故誌吳氏爲詳

銘曰

胄自仕族	嫵於德門	孝敬能教	成家貽孫
高屢廣庭	中洲之里	巍封大兆	黎山之趾
喪車有行	二子弗將	我銘其宮	孫世其昌

愚姪會伯慶頓首拜撰

吳書山先生墓誌銘

先生姓吳氏諱會字慶伯號書山元提舉公致堯先生之次子進士公心泉先生之孫進士公疎溪先生之曾孫也世居金谿十三都疎溪里其卒也墓里后之白麻園首亥趾已閱今二百餘年矣墓碣雖存誌銘無考乾隆三十一年丙戌歲其後裔太學廷相重修先生墓緣予之族弟滙具狀請予補誌於碑陰然狀載吳氏家乘祇傳先生卒於前明洪武二十一年戊辰歲無有月日又云享年七十有三距數先生之生當在元延祐三年丙辰歲矣及讀先生雅言集有謝陳逢原相壽詩引歲

十一月二十日維僕揆度之辰云云則先生生之月日無疑第卒之月日尙俟稽考耳按先生元配周氏繼高氏卒俱塋本邑十四都洋洲山子五長象明博士次磊三楹四森五碩又名碩績先生雅言後集所編用者也孫男六人曾玄繁衍世以詩禮名其家先生之明德不亦遠哉先生生平文行悉詳獨足雅言自序自解暨其從弟素亭先生所撰家傳茲故不贅至例有銘詞予雅愧無文顧仰先生風思闡揚而不逮謹約畧先生門人陳介諸先輩諡先生文肅意之萬一而銘曰

天全六修

道聞德就

葆其真

密其宥

心既

瑩於淵微 身自嚴乎徑竇 緬清芬 奕禩熏

世壽書山貞其珉 殆庶昭茲來許後之人

時

皇清乾隆三十一年歲次丙戌季冬月上浣之吉

賜進士出身文林郎知河南汝寧府西平縣事加二級

同邑後學楊服彩撰文

賜進士出身文林郎原任河南懷慶府原武縣知縣加

三級同邑後學黃文梓篆額

同邑後學撫州府儒學優廩膳生員車原書丹

十四世嫡孫太學生廷相立石

附錄

西湖志沈九如花塢尋吳慶伯不遇詩花塢夕陽微青
蘿掃白石山寺不逢人疎鐘度四壁空翠撲衣裳輕風
卷巾幘饑飈竄樹間秋禽啄簷隙川原如平生愛此林
泉適相思不相遇明晨已疇昔

王阮亭池北偶談懷麓堂詩話云杜律乃張注非虞注
宣德初有刊本按張性字伯成江西金谿人元進士嘗
著尚書補傳獨足翁吳慶伯有輓詩云箋疏空令傳杜
律志銘誰與繼唐碑予在京師曾得張注舊本

雲林鄧裔竹溪黃氏宗譜同邑吳會伯慶挽詩木落空

吳書山先生遺集

卷末附

西海志記地仙

五

山衆草黃斷鴻哀叫白雲鄉不堪慈母悲周處况復佳
人哭把梁夜月懸將滿穀秋誤點不磨光東風好
護江邊骨王府參軍付以郎

吳鶴萬先生傳 附錄

先生姓吳氏諱之標字鶴萬世居金谿十三都疎溪里
予姑丈邑廩生吳諱鏐從姪也承王父耆德公學宇先
生父孝愍公槐寧先生志隱居不仕教授生徒多有聲
庠序憶予幼省姑適先生館其家豐眉修髯氣靜神恬
藹然有道之容與予言則古稱先不以童穉而玩之姑
丈嘗爲予言先生性敦睦犯而不校先人遺產盡屬伯
叔昆季獨不借尺寸自取館穀給衣食借寓妻家張氏
有年晏如也伯叔昆季至爲所化復合食友愛如初族
以是多之康熙甲寅閩氛流播人各攜貲重避先生獨

率乃祖獨足雅言詩集奔里之接雲峯麓猝遇執桀知
先生名欲脅行先生義不屈賊怒甚刃其項未殊冠散
其妻家張某同伊子昇歸醫得不死予視其瘡良然嗚
呼先生可謂不降不辱者矣康熙四十四年乙酉歲十
二月十一日卒於家距生前明崇禎三年庚午歲正月
初一日享年七十有七葬於里後之祥慶園首寅趾申
康熙庚戌進士車文龍題其墓曰清處士吳文貞之墓
蓋紀實也先生娶本邑十四都賦塘張氏性賢淑族有
佛奶奶之稱子五人長天次若旦三若彩四若淡五若
簡女一適本邑六都鼎山胡某孫男二十二二人曾玄繁

行世守耕讀予友進士吳雲亭疎與先生同族系重修
家乘成致宗人之請求傳於予予固夙知先生詳遂不
辭而爲之傳

論曰匡居而談禮義誰不以爲聖賢迨見利忘義見
危辱身則前後判若兩人先生存先人之手澤當患
難之頃而不失謂之文貞亦復何愧

賜進士出身

特簡禮部祠祭司正郎候陞

內閣侍讀學士加三級紀錄五十八次年家眷弟梧岡
黃師範頓首拜撰

康熙甲寅閏氛流毒所過坵墟至桐里大肆焚掠
曾祖鶴萬先生事出倉猝特懷是集奔避遇寇脅
迫當抗刃未殊舁歸稍痊而斯集血汚過半未捨
去迄今展讀血痕尙殷殷也嗟乎我祖萬死一生
猶不釋茲集其不忘手澤之念可見矣今幸恭逢
國家大化邦洽發潛閭幽桐私念是集非公不存因
重編之末附邑先輩黃公梧岡所撰公本傳以見
公生平黜末而後人亦繇是以知不朽之故云尙
桐謹識

原缺

讀獨足雅言題後

太史公讀離騷既云推此志又云悲其志則屈子抒辭
自見惟公乃稱知己書山先生舉於元者也我朝定鼎
屢辟不出而其拈題抒寫手著是編論者謂欲以風雲
月露名噪騷壇乃讀其自序有云觀者察其志之欲有
爲而卒不得爲所可見者斯而已雖君子不顯其辭識
者有以窺其隱矣讀雅言者當如是觀東鄉後學王亨

敬書

王公明
御史

又

昔虞道園先生論公詩格韻雙勝又謂書山之爲人近

陶靖節而詩文酷似之叔祖素亭序公詩謂可繼杜工
部之派固爲知公而能言公者然余謂他人之知而能
言尤不若公自序之詳曰大概有三曰風雅追古嗚呼
盡之矣裔孫之標謹識

傳聞考

綱生蜀巴縣先生軼事雖庭訓時得其概然無明
文足徵乾隆戊寅歸里後從父老詢先生故實亦
復語而不詳及得獨足雅言自序有云先大夫進
士公先子提舉公至素亭公所誤先生家傳載爲
元至正三年鄉薦第一考省府縣志俱失傳而父
老至今猶鑿鑿言之殆元史殘缺耶抑亦子孫不
能出力以要作佳傳耶素亭公所修疎溪吳氏世
譜不少概見惟新譜刻先生本傳一篇註出素亭
公手查繼疎公所修家乘只載先生享年七十有

三卒於明洪武戊辰年其生忌月日俱闕按甲子
逆數洪武戊辰乃明太祖之二十一年則距生應
是元仁宗延祐三年丙辰又考分修支譜載先生
八十有四而卒生年月日仍闕則距生又應在元
成宗大德九年乙巳後於曾祖鶴萬先生手抄支
帙中檢得歷祖諱忌單帖載先生生元仁宗丙辰
十一月二十四日辰時與素亭公所修世譜合讀
先生賦謝陳逢原相壽詩小引云歲十一月二十
日維僕揆度之辰句其生日又異先生避地爲陳
氏也足迹遍天下及明定鼎始歸里閭乃有見集

首潭宗藩弁言不知潭王梓爲何人謬以爲陳氏
僭號又不玩文理反以爲陳氏徵聘書殊屬可笑
然而今之好異立說者不獨於我公爲然也卽如
書潭王事補長沙府誌按明史太祖二十五子齊
藩潭藩乃達定妃生俱於洪武三年封藩十八年
就國夫史旣云達定妃則與陸氏所書闕氏姓氏
不同又長齊次潭史據明代玉牒直書則陸氏所
云陳氏遺腹尤爲可駭長沙誌云十五年之國則
又悞本紀諸王年表列傳俱書三年封藩十八年
之國豈數十處俱悞乎又查太祖本紀洪武二十

一年九月丙戌秦晉九王來朝二十三年四月吉
安侯陸仲亨等坐胡惟庸黨下獄丙申潭王梓自
焚死長沙誌云二十有一年其年月又牴牾不詳
矣嗚呼正史且任後賢偏翻而於先生之事蹟茫
茫千古將何者以爲定論哉尚綱謹識